

113 年全國語文競賽原住民族語朗讀 【北排灣語】 高中學生組 編號 4 號

laingu a su kinasaljinga

ka kakedrianan aken, izua za drikidrikítjan a iga a na kipaqenedjan tjanuaken. namayatucu a ljinizavan. izua a muri miperper ti kiwi aya ngadján a qayaqyam. ljakua namaqaran sa drikidrikítj a palalj manasika masakulungan timadju. navalisaked sa singelit aravac tua miperperper i kalevelevan a zuma qayaqayam.

izua ka makatalj kiskusususu tua veljeluan a kikakanen, simazan i dangas ini na pacun ka tjaisangas. na tjemaladj aravac azua dangas. pacun sa malingedjelj sa kinemenem i dangnadangas timadju patje seleman. ka cemedas sa qemerepurepus. malalailaing sa semenasenai i kalevevean a qayaqayam a pakazuazua. minasi a papupicul sa minpudruk a kikelu pasa dangas ti kiwi. “ya? akuazua kikelu ti kiwi lja?” “aii! mangulju aravac timadju!” matucu a penaula tai kiwi a zuma qayaqayam. isauniuni manu paqerengin a qailjungan. nu pacun itjen miperperper a pasadjaljaljav ti kiwi namyatucu. patjezua kpaljenguaq tua drikidrikítjan a zikang timadju, celaki aza namaqaran a palalj sa peluseq lja maleva, sa pasamaquliquilip i kerebaw ti kiwi.

aicu ti kiwi palemek mangulju timadju aravac, ljakua na kezeng a varung sakamaya inika maumalj a lemaing tua kinasaljinga nimadju. nu

kemapaz nu kementelj a kiqadjilj tjara venelaq sa marasi a vunavun a namaqezet tua tjagulj. talja masan malap tua varung tjanuitjen na qemacuvng sa setjelangalj a malasulasung lja kikezeng tua selapaian tua saqetjuan tua luljayan kumaljia biribirian timadju. tjara tjamasulem a qadav tua kaukav lja inika sekezsekez sa galiljegilj aravac.

tjaljaparavacan a namanguaq ti masek tucu. masengsengseng tua sipaziudingding a zidusia katua sema tjaljevavav tua kalevelevan a hikuki timadju. ka patagilj a muri masengseng savid a djemelidjeli sa neka uri pusaladj lja ngulungulu ti masek aya za qaliqali. ljakua ini a tjemaula tua kinasaljinga nimadju sakamaya. tucuanga talidulidu a mapuljat.

anema su kinasaljinga? marekutj sun a maselapai? pasususun tua sinipaselem a djalan? ari! ljatjena mabeneq! ari! ljatjena mapasaqetju! ayatua ini ka mekudral a kidjekec i putung a kuka, makulung a kitulai ka iniyanan na matjani itjen. tjara vavaik a kasiv, tjara temekeza a veljeluan, tjara namasevec a qelju nu sinipapuljat a lemayng tua sacemel a cinunan. ari!

去追求你的夢想

有部動畫讓我印象深刻。一隻鳥，翅膀短小無力、無法飛翔，羨慕在天空的鳥兒們，為此沮喪不已。

有天牠順著小溪覓食，來到未曾發現過的懸崖。隔天早上起霧，其他的鳥兒追逐唱歌，Kiwi 縱身跳下懸崖！「哎呀？為什麼 Kiwi 要跳崖？」「唉！牠太傻了！」眾鳥為牠惋惜著。突然鏡頭打橫，看起來像 Kiwi 快速飛翔的錯覺！Kiwi 享受短暫的時光，拍起軟弱的翅膀，含淚消失在霧裡。

另一個角度去看，牠為了夢想不惜粉身碎骨、達成信念讓人動容。被重石壓著的樹苗，向下紮根向上發芽，終有撐破岩石，沐浴在陽光下的一日。馬拉松跑者咬著牙忍受、痛苦疲累抵達終點倒下的最後一名。日夜不停工作的鐮刀，連太陽都會閃避銳利。

世界首富馬斯克製造電動車、太空火箭。最初旁人都譏笑他天真，沒有人願意出錢。現在家喻戶曉。

夢想是什麼？害怕冒險嗎？走的是康莊大道嗎？一起出發！一起跌得滿身泥巴、受傷結疤！躲在角落的弱雞是長不大的；沒有摔倒過學不會騎腳踏車；全心全意追逐獵物的獵人，山林會為他讓路、溪流會為他架橋、獸徑也會為他伸直！現在就出發！